

aber einus besorget dz esop⁹ icht zehart wider in zurnē wurd vnd versaget
in vnschuldlich vor dē künig vñ machet falsch brieff in dē namē esopi
an die die wider den künig warent vnd versigelt die mit dem sigel esopi
vñ sendet die dem künig . vñ hiltend die selben brieff so vil inn dz er ver
sprach andern künigē so vil fleiß an zekeren das sy all fragen mochtent
verantwurten. Do aber künig licurus die brieff mit dē sigel esopi ansach
glaubet er eno vnd wart ober in serz betrübt vnd in zorn ober esopum be
wegt vnd schuff mit hermippo das er in bald solt toten lassen on alles ver
zihen. Aber hermippus was esopo gunstig vñ behielt in verborgen in ey
nem heymlichen grab lāg lebendig dar in doch ward eno sei güt ingebē
Vber lang zit dar nach als das geschrei was wie esopus töt wer sendet
der künig von egipten Nectanabus etlich fragen vñ reterischen dem künig
licuro in geschriff solch meynung in halten. Nectanabus der künig
von egipten enbeute licuro dem künig in babilonia heil. so ferz ich gern
eynen turen bauwen wolt der wedet hymel noch erdē anregte bit ich du
wollest mir werckleit dar zū senden die mit den selben bauwen werden
Vnd gib mir antwort auff mein begeren vnd n̄ zehē gantz iar alle rent
auff meynē land. Do licurus diß auffbietung empfing do ward er gar ser
betrübt vnd also angstiger sendet er nach seynen weissen über die frage
zeantwurten. Do aber all seyn meyster dar in zwiffelten vnd die frag mit
kunden verantwurten. Licurus auff das erterich vñ sprach süß/
tzender we mit armen das ich dye saul vnd auffenthalt meynes reichs
hab verlorē. Was vrsach hat mich bewegt dz ich esopū hab töten lassē
Als aber hermippus den vnmüt des künigs erkēnet . gieng er zū im vnd
sprach du solt dich furbas mit so ser beküern wann ich hab in mit töten
lassen. Wan ich gedaht alweg es wurd dich etwā geruwē darūm so weiß
dz der den du hast töte heissen noch lebt in den grebern vñnd hab in vō
deiner furcht wegen heyllich in eynē grab vntz auff dissen tag lebent be
halten. Do das der künig erhöret stund er bald auff in grossen freuden
vñ umbfiēg hermippū mit seinen armē vñ sprach. Ist die red war die du
sagst dz esopus lebe so hastu mir diessen tag zū ewigē freuden gemachte
wan hastu den in leben behaltē so hastu mein reich gefestiget vñ gebot
dz man in bald zū im furte. Esopus was mager ellend vnd vn sauber als
er aber für den künig kam keret er sein angesichte von im vnd ersufzet
vnd sprach. Bald waschen vnd becleidē in. Do aber esopus gewaschen
ward vñ sein cleider verendert gieng er in dē küniglichen sal. Vnd do er
den künig het gegrüßet mit zimlichē erē . Erzelet er sein sach dē künig
wie er vō seyn angenomē sun vnschuldiglichē dar wē gebē vñ als d künig
gebot das man enum des totes solt töten als esopus solt getötet wor
den seyn . do erbat esopus denn künig das er in im ergebe . Dar nach
namm der künig dye epistel vonn nectanabo gefandēt vñnd gabe dye